

重刊西安縣志

捌

民國拾年四月春雷購自柯城



西安縣志卷三十三

儒林

儒以道得民見於周禮太宰漢書藝文志辨以首列

所儒家者流也自宋倡道學之名與儒林歧而二之論

者訾焉西邑儒風素振東宮引去雅重經師南省魁

來爭趨性理後之人抗希古哲用以闡微言於洙泗

析祕旨於洛閩衛道守經名教之干城賴此矣志儒

林

南北朝

鄭灼

南史本傳字茂昭東陽信安人幼聰敏勵志儒學少受業於皇侃梁簡文在東宮雅愛經術引灼為

西省義學士承聖中兼中書舍人舍人仕陳武帝文
帝時屢遷中散大夫後兼國子博士未拜卒灼性精
勤九明三禮少時嘗夢與皇侃遇於塗侃謂曰鄭郎
開口侃因唾灼口中自後義理益進家貧抄義疏以
日繼夜筆毫盡每削用之嘗蔬食講授多苦心熱
若瓜時輒偃臥以瓜鎮心起便讀誦其篤志如此

宋

齊書烈西昌縣風素則東宮民士並重

慎知禮

宋史本傳衢州信安人自幼至白首歲讀五經
周而後止每開卷必正衣冠危坐未嘗少懈咸

平初卒年七十
七餘見孝友

趙抃

宋史本傳抃長厚清修人不見其喜愠平生不治
貲產不蓄聲妓日所為事夜必衣冠露香以告於

天不可告則不敢為也陳仁玉清獻公集叙竊惟天
地之大曰誠而已誠則純純則久久則神若公者其

知誠之所爲乎楊準清獻公文集序趙清獻公史氏稱其凡所爲必質諸天存誠之學密矣或謂公友游溪而後聞道要之公之粹稟夙成而慎獨實躋人不可及餘見名臣孝友

王

劉牧崇禎府志西安人字牧之登進士終屯田員外郎授易數於穆修著易解與易象鉤隱圖王安石誌

其墓詳

藝文

徐霖

周密癸辛雜識淳祐徐霖魁南省尚性理時競趨之崇禎府志霖年十三有志聖道研精六經淳祐

試南省第一人疏宰臣史嵩之奸以不省辭歸借屋以居讀書奉親時郡守游鈞買田築學舍請霖講學遠近之士裹糧來游者三千餘人除實錄院簡討奏言萬化之本在心存心之法在敬止嘉其直丁父憂居徑坂學者稱徑坂先生卒年四十八廬越狀其行謂事親孝待宗族義處鄉黨謙居官立朝忠肝義胆奮不顧身賁育不能奪子死於丙子兵以兄弟之子繼餘見名臣孝友

明

王璣

崇禎府志字在叔號在菴嘉靖進士方青衿時應督學召肄業萬松書院渡江從陽明先生與王龍谿

友善隱士

樂惠黃彥綱王修易鄭禮輩同倡良知

之學居鄉以實行為化導捐基十畝造衢麓講舍郡

守李公遂推為盟主四方多士雲集至其尊祖睦族

振負周乏與范文正公相類蓋非止口談理學而確

有躬行實誼者也儒林錄在菴少時聞陳白沙之學

心亟仰之渡江受業陽明之門陽明稱其篤實補山

東按察僉事輒進諸生論學齊魯士彬彬向風家居

以禮為訓每身先之接後學溫然若家人年七十餘

卒嘗言平生無過人處惟出處分明未嘗屈身降志云

王之稷

舊通志字惟烈西安人登嘉靖癸卯鄉薦從李襄敏講王陽明學初仕含山令加意惠民遷達

州守政績益著鑄六經要旨及蒙訓女訓家禮小學諸書以勸後學生平純孝周恤宗族惠施戚里身心

性命之學措諸躬行
子任衡亦以學行稱

樂惠

兩浙名賢錄字子仁西安人師事王文成潛心理
學事父母曲盡孝道母嘗患瘋疾手足拘攣者十

三年惠溫衾扇枕飲食撫摩必躬必親始終不怠及
父母相繼卒與妻吳氏負土成墳廬墓三載朝夕哭

奠衰經不去身一夜風雨虎入其廬馴若蓄犬服闋
南肖移爲六堂學長辭不赴時龍游水北梗化郡邑

請惠往布行約梗化者草心自是深居寡出四方學
者數百人以壽卒於家王守仁次樂子仁韻送別詩

從來尼父欲無言須信無言已躍然悟到鳶魚飛躍
處工夫原不在陳編操持存養本非禪矯枉寧知已

過偏此去好從根脚起竿頭百尺未須前野夫非不
愛吟詩才欲吟詩卽亂思未會性情涵泳地二南還

合是淫辭道聽途傳影響前可憐絕學遂不興
多年正須閉口林間坐莫道青山不解言

徐沐

舊志字新之號丙峯嘉靖歲貢先世演爲春坊其
後紹芳司刑鶴慶鍾瑞司訓南康家世清白傳至

公貧甚研精書史動循典則三任廣文一任縣令以身爲範以言爲證仁慈撫衆明道淑人當其教授武昌少保李公克齋令其二子棻與材師之逮棻按楚楚藩餽沐千金求貸於棻却不受陰爲釋之不使知也及歸泉石好學彌篤浸淫諸子百家每引進後輩諄諄不倦至今學者稱丙峰先生

葉秉敬

通志字荆嗣有

敬君弱冠擢省魁萬厯辛丑成進士權

藩以憂歸起著述鴻富擁

荆西尋移南瑞未行卒秉敬淹貫萬卷

方應祥

府志字

孟旋西安人爲文根極性命自闢阡陌

郎例多餽遺應祥悉却除之轉祠部郎厯陞提督山東學政奔母喪歸尋卒所著有青來閣初集二集行世應祥山居時從學者踵相接遂擴廬舍以居之發明性學後人比其功爲濂溪伊川云餘見孝友

葉象春

茹菴文集字仲陽西安人為人孝友力學

言行皆可為士子法督學使者至衢命諸生各書行優一人於卷尾六學之士數百人皆推象春為第一使者竦然敬禮之初象春鄉試首場畢聞姊計輟試而歸則首場文已擬解首矣人咸為惜之象春裹冠方領規行矩步每行市中佻達者望之却去亦或笑為迂腐而象春自若也年七十沐浴正衣冠端坐而逝

葉敦良

舊志字靜遠邑庠生少務為博洽後刻意講求理學聞劉戡山先生講學越中負笈往從戡山

雅器重之謂及門曰葉生名教干城也晚以生徒日眾設教靜巖以知行合一之學訓諸士林及其鄉里雅俗均被其化年七十三卒餘見隱逸

國朝

周召

舊志字公右號存吾幼耽書籍家赤貧苦志博通今古成大儒李僊平公督浙學時首器重

儒林

儒林

儒林

四

拔明經妻以同年毛公協恭女謁選授陝西鳳縣鳳
介隴蜀極衝瘠無城郭居民公曲意撫循流民輒集
巡按施公維翰以公仁明廉幹令署南鄭褒城二邑
民至今德之任七年以母艱歸恨不與視含殮絕意
不仕撫兄遺孤延師課讀至成立析已產與之爲人
嚴氣正性對妻子無惰容居鄉謙謹誠飭不墜先輩
典型制府鄴園李公重其文行禮入幕備陳西邑坊
長常夫二弊役獲永禁草民困始甦晚舉鄉飲大賓
年八十六卒遺命喪制黜佛氏一遵家禮所著有受
書堂稿五十卷皆闢邪崇正守經衛道之言餘見孝
友

葉盛芳

府志字學少時

新美號菊亭西安人篤志好修潛心理

生言動悉符

軌範執經其門者甚衆以明經司鐸太

嚴教約以訓

士著岑山講義發明立誠主敬之旨

士風翕然不

變年老

告歸壽至九

十一

王志雍

齊召南王志雍傳字正獻號敬山孝友無間舉

藝博通經史研精性理諸書其學以居敬爲本以窮理爲先知行並進孜孜勿懈著象數蒙求以啟後學作廓如集以闢異端居父喪哀毀盡禮學者比之劉因焉侍郎李鳳翥銘其墓曰惇行三物羽翼六經蓋篤行君子也

西安縣志卷三十四

文苑

往者上虞之碑人題壘白
隱侯之賦語妙冰坻會稽
大有文章東陽非徒山水
西安脈衍支分連玆瓌偉
宜其多吞丹篆而吐白鳳
者也迺者緬想先賢研吟
往牘或揚意一薦振英莖
於殿中或方干諸人泣瓊
瑰於地下或廬阜未藏已
播雞林之口或君山不見
竟消鴻寶之聲匪獨顯晦
殊途亦有傳有不傳之異
矣用是搜討既往昭茲來
許銀筆爛其紀述金羈驚

平簡編志文苑

宋

徐泌

宏治府志字道深雍熙二年進士其先汴人官於

庸字用之朝散大夫轉太常寺少卿直集賢院嘗表上周易意學蘊

趙湘

蘇軾趙清獻公神道碑并祖諱湘廬州廬江尉始家於衢遂爲西安人陳鵠者舊續聞趙叔靈清獻

之祖也初舉進士主司先遇其警句於貢院壁上遂

擢第有詩集閒雅清淡不作晚唐體自成一家清獻

漕成都日宋祁公鎮益都乃其詩宋景文南陽集序

趙叔靈詩清整有法度其久恢動沈蔚不減於詩詳

見藝文

蔡望

府志西安人咸平間進士注陰符經命翰林學士宋自看詳白奏此書常祕授中嶽主簿

慎從吉

宋史本傳字慶之知禮之子錢俶壻也自歸朝居散秩幾三十年頗以文酒自娛士大夫多與

之遊善爲詩有警語餘見介節

何欽聖

舊志欽聖行事無可考於說郛中見有上蘇長公長篇其詞茂美條暢長公甚以爲佳必上林

翹楚也

毛維瞻

兩浙名賢錄西安人以詩名與趙抃同里相得爲山林之樂元豐中出知筠州政平訟理民歡

樂之時蘇轍謫監筠州酒稅相與倡和有鳳山八詠山房卽事傳誦藝林

梁浹

天啟府志弁曾祖好學工詩號壺中君與清獻公爲布衣交

按府志舊志浹俱作汶考清獻公集有梁浹無梁汶汶當爲浹之譌

任大中

潘子真詩話任大中子固三衢人老於儒學作詩寒苦趙清獻喜之其集中有云莫管流年一

擲梭花前對酒且高歌
命巾若有終須有到底無時
怎奈何嘗從清逸老人遊
西山夜宿翠巖聯句蒼龍
天矯西北來鑿破明珠成
碧岫何人架空起樓閣地
靈不敢藏餘秀鎖窗雲重
衣巾潤梳木風清肌骨透
客來一夜與僧談氣覺浩
然充宇宙趙清獻公寄任
大中秀才詩今我歲將暮
過撓鸚鵡洲憶君人少與
買舍穀江頭客路書多絕
吾鄉夢半遊明年誰到蜀
能寄好音不

盧襄

陶元藻全浙詩話舊名天驥字駿元三衢人徽宗朝避天字改名襄字贊元大觀元年進士政和六年

以朝散郎出為浙東提刑捕盜入剡靖康間拜吏部侍郎陳巖肖庚溪詩話贊元詩篇極多間嘗得其數十首皆清拔可喜後因兵火失之尚記其贈鼓琴者曰試將鍾子山水意一洗退之冰炭腸恨失其全篇舊志元符進士貢辟雍為西征記遂知名餘見介節

按通志選舉志盧天驥登大觀元年李邦大考進士與元藻詩話同舊志作元符誤

毛友

韋居安梅磻詩話毛友龍達可未第時其內子

未報于秦策不識如今舌在無達可三衢人後去龍

字止名友政和間由禮部出守鄉郡有爛柯集行世

舊志大觀進士少遊太學與鄉人

馮熙載盧襄號三俊餘見循吏

按宋政和中禁中外不許以龍為名字於是毛友龍

但名友見六氏容齋續筆又胡茗溪漁隱叢話引寄

齋錄稱朱達可未第時內

毛升

韓流澗泉日記字平仲柯山人尚書友龍之子負

歸號樵隱居士有集臨終作手書抵延之語如神仙

先公在婺平仲以詩文一帙來贈雖數數通問亦一

再賔和竟與先公不相識陳振孫書錄解題升負才

傲世仕止州倅與尤遂初相厚善臨終以書別屬以

誌墓延之為之銘又序其集四庫全書提要平仲

嘗為宛陵東陽二州倅所著樵隱集十五卷集中滿

江紅潑火初收一闕尤為清麗芊眠故楊慎詞品特為激賞舊志并有遂初堂書目序雅健新妍非後人手筆所能及

鄭待問

傳詳隱逸

沈堯夫

嘉靖府志字唐叟西安人端亮有文舉別省第一教授諸王魏王屢欲薦之後官隆興通判卒

畱清卿

舊志怙孫紹興進士薦為蕃計院好學自持

毛珮

全浙詩話字元白三衢人有吾竹小稿宋詩紀事李龔和父序云柯山

少文自晦不求聞于時吟稿一帙清深雅正跡前事而寫芳襟有沈千運獨挺一世之作居易錄柯山毛珮元白吾竹稿丹陽館一篇最警策詩詳藝文

徐載叔

陸游橋南書院記吾友西安徐載叔豪雋人也博學善屬文所從皆知名士詳藝文